

Chi è Baffo?

Tanto si sa di Giorgio Alvisè Baffo (Venezia 1694 – Venezia 1768) che non serve dire altro che per qualcuno era questo:

Satira sozza e laida, che di oscene cose fa spicco puzzolente. (attr. Giuseppe Baretti)

e per altri questo:

Questo celebre sifilitico, soprannominato l'osceno, lo potremmo considerare il più grande poeta priapeo mai esistito, ma, al contempo, uno dei massimi poeti lirici. (Guillaume Apollinaire)

INTRODUZIONE.

Sonetto

Ho scritto insin adesso in general
Sulla materia, che xe a tutti nota,
Del bus del Cul, del Cazzo, e della Pota,
Ancuò voggio tior sù 'n altro messal.
Dei gusti, che se puol tior col Cotal,
E in quante forme voggio far la nota,
Acciò la zente con più gusto fota,
E fazza delle Donne baccanal.
Almanco in questo el lume de rason,
Se 'l ne dà in tante cose mille affanni,
El n'abbia da portar consolazion.
Delle bestie gavemo più malanni,
Ma a fotter col trovar niove invenzion
Vegnimo a ristorar i nostri danni.

GUSTO DE MENARSE 'L CAZZO.

Sonetto

Voi dir in primo liogo del contento,
Che se gà quando 'l Cazzo se se mena,
Se chiava Mariettina, e Madalena,
E quante, che se vuol in t'un momento.
Dura, finchè volè, 'l divertimento,
E quando, che se gà la borsa piena,
El se fà con più voggia, e con più lena;
Perchè nol se fà mai per complimento.
Per tutti i versi l'è una cosa bona,
Dei bezzi no se gà fuori da dar,
Nè se diventa matti per la Dona.
Che vaga donca a farse buzazar
Per quanto bella, che la sia la Dona,
Che mi l'Osel me voi sempre menar.

LODA 'L PRIMO CHE S'HÀ MENÀ L'OSELLO.

Sonetto

Sora de tutti voggio lodar quello,
Che senza, che gnessun gabbia insegnà,
Co una natural simplicità
Xe sta 'l primo, che s'hà menà l'Osello;
Che! Nol merita forse un Capitello?
Altro, che chi la Bossola ha trovà!
Le gran benedizion sò, che gò dà,
Me l'arrecordo, insina da puttello.
Podevelo pensar cosa più bona?
Trovar una maniera da sborar
Senza aver de bisogno della Mona?
È vero, che cussì no se puol far
Nè Santi, nè Dottori de Sorbona,
Ma gnanca se fà zente da piccar.